


Awe ta cuminsa encuesta parlamentario riba Racetrack Parlamentario condena den Corte ta encabeza e encuesta



ORANJESTAD(AAN): Awe Parlamento di Aruba lo cuminsa cu e asina yama "Encuesta Parlamentario" na unda cu lo scucha tur esnan cu tabata envolvi den e proyecto di racetrack na Aruba.

Un hilaridad, pasobra Parlamento a gasta mas o menos 500 mil Florin na un compania di investigacion amigo di e Gobierno aki pa por haci algun "huiswerk" riba e caso aki y awe lo cuminsa cu e proceso pa interoga tur esnan cu segun nan, ta envolvi den henter e proceso di racetrack.

Ta un instrumento cu Parlamento nunca no ta usa, pasobra e no ta den nos sistema.

Aki na Aruba si un hende ta sinti cu un otro a comete un eror of a horta, nan ta djis keha e persona aki na Polis y

dos biaha den Corte ta encabesa e team di "investigadornan".

A duna Maduro e puesto di Presidente di e comishon na cabes di e "encuesta parlamentario" comosifuera cu ta trata aki di un persona intachable den nos comunidad.

Manera cos cu e si por punta dede riba otro hendenan.

Ta e mesun Parlamentario aki, cu awe por ser mira riba e foto adhunto, tabata envolvi den un desgracia serio di auto na altira di Cumana, pero el a sigui core despues te na oficina di Departamento di Finanzas.

Dilanti Huez den Corte den Prome Instancia nan a condena pa tabata core auto burachi y causa accidente, pero pa motibo cu su propio Gobierno no ta cumpra tur e equiponan necesario pa Polis por funciona eficientemente, nan no a logra comproba dilanti Huez cu el a core bay despues.

Asina mes e Parlamentario a haya ta bon di bay purba su suerte den Corte Superior y aki el a bolbe perde.

El a keda di bay Corte di Casacion pero despues di esey nunca mas a tende algo di e caso aki, ni cu si el a paga pa su castigo, ni cu si el a bay casacion, ni tampoco con a pare cu su caso pa cu Husticia di Aruba.

Ta trata aki di e mesun Parlamentario aki cu Polishan a bisa nos cu nan mester a interoge para pafor di e "verhoor-kamer" pa motibo di e holor stinki cu tabata sali for di e oficina.

Aki no tabata trata solamente di holor di alcohol, sino di otro cos tambe.

Asina mes despues den Corte el a bin bisa cu e no tabata burachi, sino ta cansa e tabata pasobra e ta bay gym un cantidad di ora pa siman.

Un mal excusa pasobra no necesariamente ta nota e diferencia den su postura.

Hecho ta cu e tipo di weganan politico manera esun di awe ta pone cu hende no tin hopi confianza mas den e politiconan bieu.

Lamentable ta cu e hobennan den politica parse di ta siguiendo den e mesun pasonan di e politiconan bieu y cu pa un of otro motibo nan no ta cumpliendo cu nan

palabra di cu nan lo kier cambia e politica na Aruba. Nan a priminti tambe cu nan lo renoba nos sistema politico, pero te cu awor esaki no ta sosodiendo.

Alcontrario, lastramento di nomber di hende y persecucion politico ta siguiendo keto bay.

Awor hasta nan ta yama hende na telefon menaza tambe, esaki ta e politica nobo?

Con un hoben manera Robert Maduro, condena den dos diferente sala di Corte, cu no menos cu cuater diferente Huez envolvi den e caso, kier bin pretende awor di lo kier investiga un persona manera ex-Prome Minister mr. Henny Eman.

E mes no ta compronde cu e ta bisti e ora ey cu un zapato mucho grandi pe?

Parse cu tur hende tin masha bista riba e tratamiento di e encuesta Parlamentario awe pa mira kico tur lo bini afor, aunke cu e interrogacionnan di esnan mas pisa den e caso aki mes lo cuminsa Diamars.

E atencion di tur hende riba e caso no ta solamente pasobra cu ta bisto cu esaki ta un wega politico prome cu eleccion, sino tambe pasobra ta un hilaridad grandi riba e parti di "ken ta investiga ken".

BORCHI KOMT ZO!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Machine
di cose
di man

Afl. 19,95